

T5237.77/22075)

5

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
YAMIAVIOU
NOV 21 1958

有
1086

九卷

黃鶴

文野

鄧佐卿

王世貞

鳳洲十卷

安紹芳

王世懋

麟洲

吳國倫

川樓

唐詩

石東

孫應鳌

淮海

張佳胤

恬味

趙康王

枕易

龔秉德

徐中行

龍灣

潘宣王

西屏

周天球

幼海

方逢時

樗野

今潘王

德輿

曹昌先

黎民表

瑤石

鎮康王

西崖

顧聖

沈愷

鳳峯

保定王

德軒

楊子庭

景華

歐大任

奮山

沁水王

玉泉

傅光宅

涇陽

王程登

玉庭

慶成王

宗川

明詩

九言律
七言律

批點明詩七言律卷九

哈佛大學漢和
圖書館珍藏印



東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

王世貞

字元美

號鳳洲太倉人嘉靖間進士官副

盤山

穆子且元美

才識雄俊

氣韻沈鬱

余嘗與石快

辰論弘正以

來詩人何李

王李接軫

千盤歷盡更茫然回首中原暝色前
峽轉琳宮藏漢月峰排紫劍插胡天
雲根檜坼龍鱗起磴道泉歸玉

詞場是為
四大家

乳懸深夜不須驚鼓吹。看予箕坐嘯風煙。

送胡子文太史使荊州遼府

江漢諸姬近帝鄉。方城紫氣鬱鬱相望寧。因剪葉勞周
史。不為包茅問楚疆。作賦雄風連七澤。行舟積雪滿
三湘。上林簪筆應相待。留滯何須念子長。

龍泉關

層巒不盡鎖氤氳。劍氣時干北斗文。浩蕩天為三晉
黨。清涼水自五臺分。關如趙壁常完月。嶺似并刀從
剪雲。總為山河能表裏。薊門何限羽林軍。

登黃榆最高處

太行無際碧天愁。榆塞褰帷萬古收。紫氣東盤滄海
出。黃河西抱漢關流。橐鞬忽動雙鴻暝。刁斗頻敲萬
馬秋。薄伐到今仍列戍。教人無賴說并州。

弘慈寺薄暮登藏經閣

雨霽祇林步屨新。上方臺殿鬱嶙峋。諸天入暝原無
相。雙樹凌空不受塵。清磬忽傳迷後旨。慧燈誰引幻
中身。微官宿障如堪脫。長以齋心禮化人。

送汝成工部還留都

全首若珠
閣玲瓏玉
堂陰映

曳履方陪閭闔班。勞歌更擬及秋還。乾坤歲計安危裏。伯仲天涯去住間。明月鴈聲連薊苑。寒雲旌色滿鐘山。停舟借問鳴珂宅。尊酒黃花未破顏。

送蔡子木守衡州

少年為郡肅清修。京洛相攜賦壯遊。一去蔡邕誰倒屣。可堪王粲獨登樓。插天衡嶽層層碧。遶郭湘江細細流。莫向秋風悲日遠。長沙今得比中州。

送詹簿家兄之南京

十載公車疏上遲。始分鸞掖置留司。鐘山月向鴻邊

出。瓜步帆從樹杪移。過省春雲停縱酒。開簾秋色映彈碁。殷勤好就吳都賦。江表如今問左思。

登黃寺堡太平樓作

秋風列戍滿邢州。敢為籌邊獨上樓。千騎月迴清嘯響。一尊天豁大荒愁。移屯漸老韓長孺。作客誰憐馬少游。出處聖朝應易得。即論非土竟誰留。

同子與諸君游大司寇顧公箬溪書院分韻時
公不出且折簡見召

壺觴選勝一從容。負郭堂開面面峰。地擁孤城橫翡翠。

翠天迴。箬水浸芙蓉。敢從門外題。凡鳥曾向雲間識。
臥龍抱日蒼虬雄。對舞主人親植兩株松。得松字

寄題于鱗白雪樓二首

平楚蒼然萬木齊。嵯峨飛閣佔雲低。峯頭玉蕊春長在。檻外金莖夜不迷。賦就梁園無左席。書來郢曲有新題。何人強責元龍禮。不遣清尊我輩攜。
伏枕清秋海岱邊。高樓中擘俯蒼煙。同雲不盡千家曉。寒月長開萬古妍。天上幾看新玉樹。山中端合老朱絃。誇他信美仍吾土。句就還應兩地傳。

二詩若寫
觴酌醴神
島魚

汝南周令嘗師事楊用修太史而善于鱗及明

卿子與言千里貽書言志聊用酬答

抱耒滄江萬態捐。忽逢仙令尺書傳。關門不閉吳天紫。弟子能師蜀國玄。琴裏高山流輩少。握中明月故人偏。還應彩筆相酬處。花發河陽第幾年。

贈陸生生嘗從軍得官而善按摩多戲術

翩翩裘馬俠兒風。青眼人間計未窮。早歲散金妝劍客。中年飡玉禮壺公。顏從熊鳥方中駐。尊向魚龍戲裏空。日月任他雙轉轂。江湖隨意一飄蓬。

二詩如絕景
追風之騎步
驟駭人

李子任俠好施予有古朱家劇孟風而文采勝
之忽過余下榻留連竟日其空谷之慰可知也
因賦近體一章贈之

十年裘馬自從容肝膽中原惜未逢
倦後蓬蒿尋仲蔚見來湖海失元龍
青山半入囊中草明月長寒匣裏鋒
震澤煙波三萬頃酒船詩卷莫辭從

寄明卿

十月吳天未授綿秫田如雉計茫然
已從鄰父求籬菊復有江州佐酒錢
醉裏舊游時自語廢來狂疾不

須蠲中原兄弟如無恙大可漁磯穩晝眠

答于鱗

歲晏天高首重回中原萬里一書來
崢嶸未病驚人筆黯澹長浮避客杯
鴈後江湖開氣象燈前風雨失時才
自憐身隱文馬用縱有微吟懶向裁

送陳子兼憲副起任滇南

十載悠然臥草廬忽從天上見徵書
歸如圓月難終晦出似浮雲偶自舒
驄馬霜清炎海路碧雞星引使臣車
莫言回首長安遠聞道山公已奏除

頷聯自然
中聯奇警

詞旨如女
豹隱霧文
來自殊

寄謝茂秦

罷醴誰堪鄴下居。世情秋共鬢毛疎。家移潞子雲邊國。門少梁王雪後車。歌罷此生唯短鋏。賦成何地不長裾。漳流轉自并門上。可怪天南斷鯉魚。

海鹽鄭大司寇

十年封事爽鳩多。總為憂時鬢早皤。天地祗看容一柱。風霜不遣夢三禾。懸車坐領青山色。扣角閒為白石歌。共道履聲明主識。壘書何日下煙蘿。

提兵安東海上大閱二首

親提千騎向東方。劍客黃金盡解裝。桃葉初明珠勒馬。梨花半吐綠沉槍。拍天濤擁軍聲合。駕海雲扶陣色揚。北闕尚虛南越首。何人先領徹侯章。

空聞淮海聞長鯨。十二關河迥不驚。鳴柝夜傳千竈火。建牙朝列五家兵。城邊星斗崢嶸出。馬首風雲指顧生。敢謂笑談尊俎易。異時曾請建章纓。

莫大夫子良起叅梁藩入賀登極有贈

蚤辭簪紱偃林扉。總為蒼生願不違。一出雲山無豹隱。百年天地有龍飛。雞聲帶月催長樂。鳧色占星倚

詩氣凌
海嶽岑王
退舍

少微最是五湖饒釣叟從君乞取舊荷衣

寄耿中丞子承

筆端指顧
貝見遠畧
非徒善贈
人者

黃龍東去海雲低。玄菟城頭烏夜啼。帳下青羌新屬國。軍中白馬舊安西。牙旗月擁諸陵出。甲帳天迴萬堞齊。最是酡酥爭捧處。不妨飛捷醉中題。

過德州不及訪于鱗有寄

渭河新水淼漫漫。東望踟躕思萬端。我自可無衰鳳嘆。君今仍作臥龍看。歸鴻落照鄉心劇。立馬浮雲色。殘豈是剡溪偏與盡。古來天上聚星難。

戚大將軍入帥禁旅枉駕草堂賦此贈別

初聞小隊駐吳江。忽漫花溪隱畫艫。細柳常虛金鎖甲。前茅時緩碧油幢。南中舊部思馳義。塞上新城喜受降。倘寫雲臺須第一。如論國士總無雙。

答用晦王孫

朱邸春風玉軫閒。能將流水落人間。毋論帝子開高閣。別與書生賦小山。南極斗寒雙劍在。大江天濶片鴻還。亦知七畧君家有。夜色青藜未可攀。

寄余德甫聞有盜警

自爾巾車返豫章。蕭然五柳似柴桑。江秋月隱芙蓉佩。山晚雲歸薜荔房。身在青氈偷不惜。酒酣黃犢坐何妨。飛揚總為千年事。鄴下狂名已鴈行。

送滇人周廣文校士關內

絳帳如雲海國開。公車還復領群材。秦庭忽動連城色。漢馬多從西極來。題罷金天霞作掌。飲殘清渭月為杯。奚囊定有懷滇句。知向昆明沼上迴。

病中于鱗過訪海上

高枕吳山氣忽青。柳邊初繫越江舲。因過海若無秋

詞華如日出龍宮光
動珠璣

水不謂風塵有歲星。強起精神催挺動。欲眠談理破沉冥。十年朋舊知多少。論向人才指自停。

秋日諸君餞焦山作

浮玉峰頭高振衣。放歌天籟入虛微。波迴片片青蓮出。日落山山彩鳳飛。一往薜蘿人自古。重來冠蓋事還非。闍黎莫恡談經席。已向君王乞釣磯。

過故胡都諫祁禮作

兩朝華省見風稜。萬死孤臣氣轉增。枕草半沾憂國淚。飯蔬分供坐禪僧。人才論後多中駟。佛意明時失

小乘不信宦情夷甫薄期君寒色對篝燈。

過新河呈大司空朱公

支祁織女
聯氣凌千
古乃在堯
花水瓠子
宮二句之上

日出煙空匹練飛。大荒中劃萬流依。連山盡壓支祁鎖。逼漢疑穿織女機。九道微輸寬氣象。六軍容物迴光輝。甘棠欲讓金堤柳。曾護司空却蓋歸。

故少司馬楊師邀遊城南別業

二詩如雷
鳳振羽翮
然萬仞

羊腸歷徧始回車。燕尾環流定上廬。橫海尚傳楊僕戰。徒陶仍用計。然書池荷折露珠。從落壠稻排雲錦。盡舒一頃秫田。應不少。高陽門客肯留餘。

醉裏輕舸點暮雲。悲歌伏櫪不堪聞。青山暗授流言指。白日平將戰色分。魚鳥看來曾是陣。鶴鷺驚處莫論軍。江南匹練全堪展。何必麒麟更寫勳。

望五臺山初雪

夜盡千峯紫。更玄雪山俄覺曙。來先青。御坐改文殊地。玉竦橋橫大梵天。會見九邊消戰色。已從三晉兆豐年。停鞭詫有陽春在。無奈玉猷興黯然。

謁北嶽廟

盼嚮字大
奇中天遊

祠壇縹緲遏雲孤。盼嚮英靈颯有無。象應星辰天北

氣也出上
林賦

極氣蟠龍虎帝神都。羞從禪代論金檢喜向侯邦乞
寶符。混闢將何酬聖主。祗連不遣祭休屠。

少司徒清豐呂公枉駕見訪即席有作

感慨咨嗟
可想面談

十年天地竟何如。回首滄桑感慨餘之。郡未懸徐穉
榻。應門先報呂安車。休論白眼狂時事且出青山著
後書。郡酒便如漳水濁可能相見不躊躇。

真定謁大士像十二年矣薄暮復過此留題

中天飛刹逼星辰曾觀蓮花法像真。干劫不貪調御
位。十年仍現宰官身。恒河暝借金篋指大鹵雲爭寶。

髻新彼岸祗應容爾度可能無意問津人。

東明送別郜侍御子元

公與余及拱
辰共晤子元
於一所子元
意頗昂藏
公微以言戒
之後復寄
以此詩有味
五其言之也
其可想哉

濁酒郵亭感慨頻。知君此去有埋輪。乾坤不盡開時
色。霜雪長含至後春。賈傅總能憂聖主。鄭公元自愛
良臣。人間大有澄清地豈必滄波問逆鱗。

自吳興寄于鱗大梁

此作如蚩尤
帶劍猛氣
無前

憶醉齊南白玉壺。浮雲天地為踟躕。高名自汝中諸
嶽傲吏堪誰長。五湖亭午夷門過。結轡乍晴峯上有
歸艫。他時大陸儀鴻羽回首中興意未孤。

贈少司徒清豐呂公

當年青瑣獨批鱗。主聖能寬萬死身。見歷風波垂百折。到來霄漢是孤臣。淇園午色攤書卷。漳水秋聲起釣綸。自是非熊堪入夢。那樓長貯屬車塵。

玉泉寺觀魚

寺古碑殘不記年。青池媚景且留連。金鱗慣愛初斜日。玉乳長涵嫩水圓。投餌聚時霞作片。遊人深處月

此作如走丸
索上巧捷
駭人

東陽送同魚樂三復莊生濠上篇

比部吳樞李之金陵時舍弟在儀部

東山六月下何遲。此去風流建業知。行李夜投朱雀
橋。墨花秋染白雲司。棠陰故郡迎舟出。槐色清人抱
案移。欲覓陽春春署在。儂家團扇是新詞。

黎惟敬內翰自南海訪余吳興登峴山分韻得
蘋字

為具青山莫厭貧。天涯驚見賞心人。還將溫室中郎
樹來咏。吳興太守蘋君嘗中雲水遠。拖雙帶玉何峯斜。
抹一鈎銀。明朝塵世應誇取。未必蓬萊事事真。

寄汪中丞伯玉時以錄閩功賜金幣特詔推用

中聯如鳥
獲扛鼎舒
徐自若

一書天散五湖蹤。回首黃山意萬重。我出未應終詣
鳳。君歸爭已識屠龍。弓藏戰伐身猶在。鼎立文章代
偶逢。俱道雲中須魏尚。馮郎占對帝從容。

湖上草堂為德甫賦

負郭堂成萬象開。使君真有五湖才。西山雨並踈簾
挂。彭蠡煙從返棹來。過客偶裁漁父對。當歌不避海
鷗猜。何年一繫青絲笮。與馮流霞三百杯。

奉題龍沙草堂

高帝歌風帳宴除。至今龍護子侯居。星空紫劔時雙

犯雨暮朱簾。死自舒地僻長沙。旋舞袖國貧鴻寶出
藏書靈光莫問王文考。八斗君才故有餘。

登邢州郡樓同于鱗二首

使君杯酒一登樓。倚檻蕭條落木愁。不盡天風吹大
陸。何來嶽色滿邢州。匣中星動雙龍夜。柝裏寒生萬
馬秋。為問郡曹諸記室。幾人能並李膺遊。

二首如坡
下合圍楚
歌四發

迴轉丹梯入斗文。岩堯飛閣頰氤氳。尊前樹裊漳河
色。檻外鵬盤大鹵雲。矯首風塵驅混合。撫膺天地劃
中分。狂來被髮歌相和。清角人間未可聞。

寄東明石拱辰給事

灌園身傍太河陰。山色龍光自古今。地有龍光山萬死獨明臣節在。一歸終藉主恩深。屯雲不解蒼生望。捧日猶懸白簡心。在昔同仇饒草莽。即論時態有浮沉。

行部高陽遇河決不浸三板遂成一首

急雨驕風萬穴穿。古隄殘壘散秋煙。雪山橫捲城闌入。銀海高從樹杪懸。將為漢年趨瓠子。豈應吾世失桑田。天門欲叩驚真宰。未許乘槎向斗邊。

喜肖甫中丞開府吳中

二首如龍
驤振步揚
鏢自得

熙朝詞客見騫騰。晉國扶風爾代興。一節盡監諸校尉。兩年超拜大中丞。清霜吐豸來開府。紫氣成龍拱孝陵。見說平吳應入相。只今雄劔已堪憑。

當時七子大名齊。誰似金甌出御題。搖筆江南開雨露。揮鞭海外卷虹霓。張公政就真堪樂。蜀國弦調自不凄。倘許元戎過小隊。新莊亦號浣花溪。

東泉丈解太僕歸從少春文遊有寄

肯為浮榮擬是非。歲寒高誼見來稀。空勞貢禹彈冠在。但好虞卿解印歸。疏草尚寒千古色。緝荷差勝五

次聯有洗
兵海島刷
馬江洲意

時衣芝苓滿地雙堪劬莫向東山咏采薇。

張助甫至日見訪作

寒色柴門午未開誰噓鄒律動葭灰天將化日為長
至人憶十年訪舊來夜語蓮華驚促點晨傳竹葉喜
寬杯還應太史能書奏海上祥雲片片迴。

楚行意頗不快聊成一章

邸吏空驚腰綬新婆婆仍惜據梧身文章殫我終授
筆歲月欺人轉積薪舊事懶聽湘水曲衰顏羞覩武
陵春何如且作祇園主經卷茶鐺次第陳。

敬美需次不調於秋夜倡和有庾公南樓之思
走筆為答時予有嶺右命

北遊吾弟困長安南徙而兄老一官欺客秋風生短
褐誤人春事在彈冠莫誇同調蘭金易縱得時名桂
玉難俗殺武昌中夜月庾公那自折腰看。

少春丈時刻予所贈詩文於石置遲鴻臺

臺畔鴻冥成古今臺邊龍臥轉泥深無妨宦拙閒居
賦可怪時清梁甫吟我自餘生安木石誰從衆毀出
蘭金勞君不淺相憐意解向王筠句裏尋。

初自彭城山行聞鶯

水宿逶迤不計程。有無春事未分明。白門渡口逢三月。黃鳥行邊始一聲。句向清時稀感慨。官因遲暮減心情。祇園桃李花如錦。祇為遊人特地生。

筆奉寄
兵憲王君陽德數過弇山園頗述泉石之美走

一壺中年屬謝家。祇緣青紱離青霞。衡門客過題衰鳳。小隊春閒駐浣花。已借使君為地主。可無詩句憶天涯。鄖江亦號羊公府。臥閣蕭條負歲華。

會中丞以三自西川入為少司馬過鄖北上

青雲紅旆擁金鞍。過郢無辭春雪寒。此去長安真自近。方知蜀道不為難。西川慣領中書印。掌武初辭柱後冠。多少籌邊樓上策。漢庭先已縛呼韓。

寄敬甫考功時拱辰太僕初歸里

漳河霜雪捲絲綸。誰念先朝啓事臣。廢後笑他顏遠句。悟來完得義熙身。從教閉戶難逃俠。但是收書不畏貧。此際遲鴻臺畔色。恍如雙劍合延津。

鴿

此作如易
水商歌危
髮指冠

綺質霜毛種種殊。飛鳴元只戀庭除。籬邊斥鷃聊同
適。韝上饑鷹故不如。怖後長依阿育塔。馴來還寄曲
江書。相看總是銜恩侶。翹首雲霄思有餘。

賦得雙塔寺

白馬西隨漢使回。招提對聳古燕臺。摩空日月金輪
轉。分界河山寶樹開。法鴈影從天外合。燭龍光並夜
深來。紺牙青髮同歸化。朱網丹楹總劫灰。

穆少春丈貽詩寄慰有答因志鄙况

已勞燕鴈破蕭疎。更許唐風慰索居。慈母尚接三至

杼。故人能辨一函書。空花過瞬那堪捉。病草逢吹偶
暫舒。欲識近來真嬾態。雅無餘興及樵漁。

贈尹生

入朝初著鷓鴣冠。白馬離弧夾道看。久見中原傾劇
孟。兼聞少府識任安。枝頭楊葉飛星過。匣裏蓮花映
日寒。閑逐孤兒春草獵。獨身西去斬樓蘭。

少春丈以近詩刻石併刻拙詩寄謝

隱豹爛斑不掩姿。環臺琬琰有新辭。共傳鄴下韓陵
石。全壓江東幼婦碑。倚王久應慚我穢。漱珠時復露

公法眼不可
一世太荷得
此語於公誠
愧矣

君竒怪來天際漳河色忽有雙虹映日垂

登岱二首 原六首

一作如廬
嶽飛瀑奇
勢駭觀

尚憶秦松帝蹕留至今風雨未全收
天門倒瀉銀河水日觀翻懸碧海流
欲轉千盤迷積氣誰從九點辨
齊州人間處處襄城轍矯首蒼茫迴自愁

人如渤海
孟諸平吞
雲夢

壁立芙蓉萬古看削成松檜隱高盤
中峯翠壓徂徠色絕頂青妝碣石寒
梁甫吟成還自和茂陵書就欲
誰干依微白馬吳閭在欲向秋風問羽翰

送范使君視浙江學

稻梁誰為薦相如使者俄驚天上除
但道聲名新出牧不知詞賦舊公車
春風絳帳諸生裏粵海青山百
戰餘更是折衝多俎豆可能無采計然書

追和于鱗汝思除夕之作

去矣年華不可留虛堂寂歷散蓮籌
鍾聲未起千門色杯酒仍牽隔歲愁
海內風塵新白髮使君冰雪舊
青州不知濟上寒多少曲裏陽春已再酬

送王中丞汝文提督操江

折衝元自漢庭聞柱後新裁上切雲
一劔畫將天塹

此作如萬騎
屯營殺氣
纏空

地千帆教就水犀軍。臺城書擁鞞鈴色。幕府春生組練文。却笑當年渾共濬。與君同姓不如君。

穆丈自魏石丈自滁。貽詩見慰。罷官走筆呈謝。無抒近况二首。

兀美每與
余兩人詩輒
分外奇警
豈音氣固
偏有所屬
乎

閑門久矣雀堪羅。忽有雙珠拂暮過。陰德總輸于氏久。交情終比翟公多。數拳地借包山色。一曲天留鏡水波。在昔相思須命駕。可能攜手問煙蘿。

初從納節號間人。踪跡空勞兩地論。居魏江湖懷北闕。環滁山水惜孤臣。聽雞起候村梅曙。泛蠹偷爭野

老春如此風光真自好。可容長作半閒身。

王世懋

字敬美號麟洲太倉人嘉靖間進士官學

寄少春吏部東泉諫議一首

甘泉法從鬱如雲。何事公車失二君。畏路除書還自免。清朝諫草未須焚。星間夜臥雙龍色。冀北秋空萬馬群。我亦漁樵曾不惡。尚餘肝膽得相聞。

明卿大叅自大梁入賀不佞與故人別十六年

矣冒雨出訪寺中併見其二子喜而即席賦此

朝天使者自皇都。那似名高楚大夫。供奉舊臣工郢

余鄉與敬
美同蘭省
時敬美不
與諸子結
杜余獨病
未與然深
知敬美今
於俞氏選
中取其詩
刻若干首

逸氣縱橫
詞采蔚然

曲中原岳牧拜嵩呼。攜將雙玉誰先後。採得三華定
有無。少小別君成白首。可能相見不為娛。
故人天畔下星軺。握手猶驚別夢遙。憑滅音書常萬
里。參差容鬢已三朝。深杯入眼時飛動。劇語關心轉
寂寥。紅蓼綠楊蕭寺雨。預愁來日是河橋。

過俞園遇雨

衝泥濕盡鐵連錢。幾醉卿家玳瑁筵。但使步兵頻得
酒。不須平子便歸田。鐘迴北里殘春夜。門掩南山隔
暮煙。坐客祗應歌白雪。好教吹度隴梅前。

已巳仲春有事于鳳陽 皇陵少宰林公實攝

以別 大宗伯以行諸曹郎王某拜送江潁公命為詩

帝寢中都護六龍。上卿將事肅雍容。衣冠歲出遊原
廟。劔履春行拜秩宗。樽酒驛樓聽雨細。片帆江樹帶
雲重。生平不淺濠梁興。矯首清塵未許從。

夏日同袁考功王祠部集吳氏水亭

聯鑣南去是新豐。河朔情深市隱中。公子壺觴能卜
夜。大夫詞賦有雄風。城陰晚傍疎窓落。潭影清涵小

閣空此際接離應。嬾着怕教歸路咲山翁。

又賦得邀笛閣

胡床一曲想桓伊。無奈王郎雅好竒。流水自將高韻
如寒谷吹律暖氣洩

去。青山偏與舊名垂。春風楊柳人歸後。夜月梅花夢
斷時。猶似慙勤數聲在。小窓凭遍坐題詩。

贈吳虎臣遠遊

落魄吳郎自豁如。相逢音氣有長裾。千金態盡時揮
酒。五嶽遊成早著書。海內幾人容汝屐。天涯何地不
吾廬。中丞待結蓮池社。藍輦歸來莫父虛。

寄荅子與

夢後春風別路長。美人何在隔瀟湘。十年自散應劉
席。千載還逢屈宋鄉。縱為積薪甘寂寞。休緣起草羨
明光。邴生百石行將止。期爾同飛若下觴。

寄贈許奉常

茅堂十築抱清溪。雅勝偏宜玄晏栖。臺接長江憐鳳
去。門栽碧柳愛烏啼。風流六代人中識。秀色三山酒
外迷。一自太常齋罷後。那能不遣醉如泥。

寄荅余德甫

此作如花叢
戲蝶風簾
度鸞

秋風無恙豫章書。七子中原問索居。洛下人非吳二
陸。江潭君是楚三閭。他年自信行葦外。再命猶沾涕
淚餘。總道阿奴終碌碌。恐應無計老樵漁。

寄贈用晦王孫

王孫折簡豫章來。句裏翩翩秀色開。愁絕鷹行猶世
網。生憎龍種是天才。梁園修竹身先賦。秋水芙蓉手
自栽。知爾獨深宗國眷。青藜何夜照燕臺。

登北固山對金焦二山作

一上春山眼自醒。海門東望去冥冥。斷鰲誰為分三

足。驅石猶疑到五丁。隔塢花深侵夜白。高城柳暗帶
江青。相看尚有風波色。何日滄洲是客星。

夏日同黎惟敬梁思伯李惟寅楊懋功丘汝謙
康裕卿曹子念集鄧園得山字

武陵溪水市朝間。河朔深杯勝可攀。檻外生煙浮綠
樹。城頭過雨出青山。荷香細納涼風入。潭影徐收落
照間。今夜鄉關清夢裏。吳姬江上採蓮還。

新秋同黎梁二中秘丘民部黎文學康曹管張
四山人集楊祠部宅分韻得河字

仙郎散直罷鳴珂。留客清樽白苧歌。月滿漢宮秋扇
冷。風迴燕市暮砧多。狂來吾道尊湖海。醉裏鄉心傍
薜蘿。愁見雙星又成別。詞人無意賦明河。

丘水部携樽同黎瑤石周幼海諸公登觀象臺
分韻得尊字

百尺星臺抱水村。振衣殘日眺千門。青山秀擁神州
出。紫氣高臨帝座尊。片語人間千象緯。一樽身外付
乾坤。秋風莫有文園渴。玉屑金盤露正繁。

京邸懷歸忽管生建初告我將偕百穀南還感

其興致若
俠客翩翩
飛觴奉白
都陽景諶
之態

而贈此

悲痛欲純

憐君未得薦甘泉。駿骨千金對黯然。負笈忽隨中散
去。解裘誰共步兵眠。為郎多病邊聲裏。送客歸心木
葉前。輸殺布衣遊自薄。倦來身似剡溪船。

九日同諸君昆盧閣分韻得村字

初地樓臺聳薊門。望來塵界易銷寬。人煙萬井催殘
照。秋色千林澹遠村。坐久雄心歸梵宇。醉餘狂態叫
天闕。紫萸黃菊年年在。自惜風流減故園。

安德道中欲進訪于鱗不果却寄

擊筑重過燕市旁百年心跡此行藏中原海色猶龍
臥南國秋風自鴈行共濟總堪知郭泰相思無那愧
嵇康空憐足練還吳騎矯首天門未可忘

與于鱗遇吳門夜飲舟中作

吳門殘月漾江流把袂疑從歷下遊十載風塵難命
駕百年天地此同舟飛揚白雪寒相問去住青山老
自由好憶鄴中朋舊在緘書一夜到湖州

贈栢亭上人

亭無栢子栢無亭僧自如如栢自青夏臘都忘寧問

內典精語
頗見後身

樹菩提悟得已拋經燈傳上足皆心印珠擊偏衫尚
典刑却笑對房高臥客卧深時被曉鐘醒

華夷互市圖

以下四詩得
之新刻敬
美自謂詩
自江西後
頗有進
信然

大漠高空寂建牙兩軍相見醉琵琶天閑首着多美
種胡女燕脂盡漢家雲裏射生旋入市日中歸騎不
飛沙金錢半減犁庭費五利應知晉史誇

拱辰石丈以詩及書遺我於江藩未及答而不
佞有入賀之役喜有會晤緣先詩奉報其情則
見乎辭云

夙昔華陽國士恩。青山無恙舊盟存。經年不減懷中字。會面猶驚別後覓。數馬至今淹石慶。驅車常自笑王尊。茲行鞅掌毋勞問。朝罷春明即故園。

新正雪後過萬方伯薜蘿館留酌觀梅紀興

白髮三朝岳牧才。青門一徑薜蘿開。為園故學潯陽隱。有酒翻令刺史來。玉甲初傳春早菜。瓊葩半吐雪中梅。深杯自引條風入。莫向江城笛裏催。

友人楊懋功罷官後闢園城中自娛不佞適有江藩之役先詩柬之

投荒猶自不相容。誰念風流在秩宗。但得老克詩社長。不妨狂喚酒家傭。千秋藝苑終青史。五畝山園亦素卦。小隊莫教驚稚子。使君元是舊吳儂。

孫應鰲

字山甫號淮海貴州人嘉靖間進士官侍郎

題韓兩亭別業

官路應憐蚤息機。司徒舊業尚芳菲。孤雲乍入常分席。萬杏齊開不掩扉。共訪郊居閒索笑。偶依泉石澹忘歸。南山未負煙霞侶。幽意知君與世違。

龔秉德

字性之濮州人嘉靖間進士官憲副

余去漢僅
一舍曾不聞
龔君詩讀
之俄然

雨花臺眺望有感

崇臺縹緲出雲孤。春日憑虛覽壯圖。江遠潯陽遙辨
楚。山連京口半吞吳。秦淮風土憐今昔。王謝豪華問
有無。回首長干傷往事。六朝煙雨混蘼蕪。

送鄭少潭給舍之任長沙

刺史分符下楚城。西風江上櫂歌聲。封章漫許推劉
向。吏道還須待賈生。帆挂三湘秋水濶。旌懸七澤曉
煙橫。漢家元重循良選。紫閣應傳萬石榮。

送張光祿甌江赴留都任

挂席東南下建康。渚花江樹引離觴。清標自許如潘
岳。雄藻人疑是謝莊。潮落錢塘魚信杳。雲橫瓜步鴈
聲長。秣陵多少金閨彥。應識當年粉署郎。

周天球 字公瑕 號幼海 長洲人 嘉靖間庠生

夏村寒夜

燕原無樹着秋聲。平楚西風夜自鳴。千里空懸明月
夢。八行難致故山情。悲哉蕭颯江南賦。咄爾浮沉世
上名。回首吾廬高枕在。薄遊焉敢負平生。

觀象臺

公瑕師徵
仲其書法
詩才大類
之平生與
王元美兄
弟交又嘗
書余詩刻
石亦詩家
俊才也

公瑗公瑗嘗一醉於都門朱繼家抵掌談詩遂知公瑗縵綺乃獨善法館之失公瑗矣

公瑗之書頗掩其詩伯毅之詩頗掩其書余於二子獨兼取之自謂知二子矣

城上高臺半切雲。平臨睥睨送斜曛。西山曲抱神京紫。北斗中懸帝座文。晚色千門雙杵動。胡天萬里片鴻分。黃金已改當年築。綵筆何須太史聞。

登岱後過李于鱗

蓬累東來與不群。荷衣寧遣浣塵氛。遙攀日觀窺滄海。深入龍門御李君。一日青山應自失。千秋白雪更誰聞。吾生無復論餘事。已足歸栖太藪雲。

病起赴京口承王元美訊却寄

丘壑頽然愧此生。片雲孤鶴一身輕。無因借仗三山

去。莫訝披裘五月行。白髮未能辭世路。黃金久已長時情。猶憐竄迹梁鴻異。不解逢人變姓名。

曹昌先 字子念太倉人隆萬間

夏日集鄧錦衣水亭分韻得樓

帝城何處問滄洲。碧荇紅蓮下白鷗。雨挾山泉歸太液。雲籠煙樹接瓊樓。習池人遠風流在。河朔杯深暑氣收。莫怪野夫偏盡興。荷衣容易五湖秋。

奉寄少春先生兼柬東泉給事

燕市曾迴虛左車。秋來肺病較何如。拂衣去楚非關

子念乃王元美甥余曾晤之於敬美處其人鬚髭如戟類燕趙大俠詩亦似之

醴捐印歸梁好著書已見文章光日月還留意氣傍
樵漁自憐幽谷無窮恨欲向陽春借一噓

顧聖 字季狂吳人嘉靖間山人

中秋過天雄同謝茂秦集元美冊中夜半至館

陶別去

平堤煙柳暮蒼蒼相對吳歌即故鄉百戰東南愁轉
劇幾年漂泊話猶長櫓搖深夜波如練簾捲中秋月
必讀書博酒論文共王謝醉來分手各沾裳

楊于庭

字道行號景華直隸全椒人
萬曆庚辰進士初授濮州知州

奉贈考功少春穆公

太守為滁陽名士石太僕嘗為余言之今刻投詩二首雋爽奇拔軒著詞林足稱大雅其淮南蒞門二稿當次第出也

中原把臂氣誰雄之子洋洋大國風天上舊陪雞舌
吏山中今作鹿皮翁逢人慎擲千金鈇知己為彈一
曲桐咫尺幾時攀玉樹江湖翹首望冥鴻

奉寄太僕東泉石老師

風塵湖海意何如投効歸來學釣魚綠野堂中身未
老蒼生天下望難虛風雲北闕餘封事杖履南山有
著書衣鉢少年今領郡幾回瞻望獨踟躇

傅光宅

字俊伯號湄陽山東聊城人萬曆丁丑進士授知縣

奉酬考功少春穆公

余初不識俊伯乃同官劉士行詩人陳本容每語譚之令讀其詩果飄若流雲矯若鸞鴻雅有符於其言為刻二首以為藝苑前驅

草玄何處對滄浪。天外雙魚字八行。漳水夜寒孤月白。漆園春早萬花香。憑陵七子歌成雪。睥睨千秋劍有霜。已信踈狂容傲吏。平原應醉紫霞觴。

官署邀陳山人本容

同調相逢足賞心。無分朝市與雲林。開尊五岳烟霞滿。揮麈三生日月深。軒冕豈能羈野鶴。簿書元不礙彈琴。閒居久擬潘郎賦。只愧河陽萬樹陰。

黃鶴字部

號文野杞縣人嘉靖己未進士官兵

吳大參東巡過杞不得一見悵然有懷

車駕詩風骨俊爽詞旨典麗大是蘇州遺韻

傳道高軒此更過。無由把袂意如何。殷勤花下虛尊酒。寂寞林中冷薜蘿。楚客同誰發興。杞人空自抱憂多。還時可許終成會。攜手荒園一放歌。

聞客話蜀中山水

有人曾向劔南遊。歷歷山川話未休。疊嶂西連羌塞迥。亂溪東會楚江流。竟銷鳥道穿雲暮。腸斷猿聲夾岸秋。更喜四時佳景在。岩花汀草媚雙眸。

批點明詩七言律卷十

東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

吳國倫 字明卿 號川樓 興國州人 嘉靖間進士官

湖上草堂為德甫賦

萬戶朱樓夾廣衢。憐君小築寄城隅。坐中山色群書擁。枕上江聲四壁虛。竒字故人爭載酒。席門長者漫

穆子曰明卿律法精嚴光燄動人明珠走盤勢蓋在七才子中可以方駕于鱗

元美矣

停車我來竟日。壚頭醉。風景何曾異。敝廬。

河間道中

中聯若崇
山嵐起長
虹舒宛

楊花如雪下城阿。匹馬班班野堞過。春事漸隨行旅。盡夕陽。偏向逐臣多。武垣拔地雄三輔。瀛海蟠天落九河。悵望薊門烽火近。却憑孤劔起悲歌。

遊飛來寺同羅方伯賦

一線江流萬仞山。嵐煙迴合隱禪關。佛來自擁青蓮座。猿去空遺碧玉環。幽逕薜蘿穿象外。上方鐘磬落雲間。波銜片月龍宮吐。兩岸芙蓉可盡攀。

寄元美塞上

中聯如錦
帶吳鉤俠
氣翩翩

王郎別我欲銷寬。六傳飛揚出薊門。鼓角秋聲迴地軸。佩刀寒色照天閭。馬肥首着黃金勒。客醉蒲桃白玉尊。回首中原風雨過。不知揮涕向誰論。

登芙蓉峯

最高峯峙曲江湄。千葉寒光石室披。乘興偶騎黃鶴至。放歌聊與白雲期。雙流夾郡風雷走。萬嶺盤空日月垂。摘盡芙蓉天未暮。尋仙又過洗丹池。

黃鶴樓

黃鶴仙人去不回。漢家樓閣自崔嵬。千帆雨色當窓
過。萬里江聲入坐來。雲夢天低湘女怨。洞庭葉下楚
臣哀。西風何處聞長笛。亂落梅花到酒杯。

大中丞徐公攜酒枉過舟中竟日而別賦此呈

謝

短棹西浮二水來。故人開府豫章臺。衣冠偃蹇猶經
術。干羽從容自異才。嶂雨寒生滕子閣。浦雲光促李
膺杯。論心不盡江天暮。秉燭纔驅小隊回。

予自嶺南歸至黃龍江口會汪伯玉司馬顧季

狂山人並發鄂城先後而至蓋萬里不期之遇
也促飲舟中達曙而別為賦二詩紀之時隆慶

壬申四月十八日

二作意氣
豪健

浮海歸舟問故鄉。故人何自遠相將。一時握手歡如
夢。萬里論心醉欲狂。江口白波吹楚峽。尊前明月下
潯陽。林烏欲起樓船發。搔首乾坤意未央。

文藻翩翩
縱橫如飛

漢水西來蹴萬山。黃龍捲雪障江關。那知天遣雙帆
到。直為人從五嶺還。書札浮沉兵火後。劔光明滅斗
牛間。百年今夕且高興。明日風塵誰壯顏。

再上滕王閣有懷于鱗諸子

高閣重登秋欲殘。南州風物盡凭闌。空江不斷西山影。一曲能令北斗寒。白雪故人今寂寞。紅塵傲吏轉艱難。中原未少相逢路。散漫浮雲何處看。

登塔

古塔峻嶒復道蟠。西山如鷲捧危闌。扶筇漸與彌天近。引箴新知覺路寬。千樹影迴平野暮。萬鈴聲徹大江寒。毫光夜夜凌無極。只擬南州斗氣看。

行次鄂渚遇徐子與至自滇

此作羊左
微列可為
想象

萬里昆明尺素稀。洞庭何自錦帆飛。雙星倚劔蒼龍合。八月登樓黃鶴歸。老去風霜無息駕。夢醒湖海一沾衣。高歌郢曲須君和。世上知音有是非。

登黃鶴樓

層樓極目楚天孤。騎鶴仙人漫有無。城郭萬家羅勝地。江山千載見雄圖。風生秋水蒹葭亂。日落晴沙鸛雀呼。白首不禁懷古意。一軒明月坐冰壺。

洪山寺眺望

客到層巒一振衣。江山萬態擁禪扉。雲平野岬峰如

明詩言律卷十
拈雨過空林塔欲飛。複道香煙迷咫尺。海宮珠色動
霏微。憑闌不盡三湘勝。長嘯真從天外歸。

登岳陽樓

高閣層城四望開。洞庭秋色正徘徊。湖吞九水浮天
闊。地擁三巴入鏡來。赤甲雲生神女過。黃陵日落帝
妃哀。尋源不必乘槎去。直取君山作渡杯。

於信夫邀餞潮音閣

萬里秋風動五溪。空王臺殿白雲齊。客來蓮葉舟堪
繫。仙去桃花渡已迷。握手故人非少壯。攜尊落日更

攀躋。憑闌醉問黔陽道。悵指蠻煙楚塞西。

行經桃源

天闢靈源一逕通。石林秋色上虛空。谿聲暗咽秦時
雨。村落仍遺晉代風。千尺藤蘿丹洞口。幾家雞犬白
雲中。相逢野老殊顏色。莫問桃花何處紅。

馬底道中

武陵西入酉陽關。蜀道何如此地艱。緣磴屢窮千仞
石。穿雲猶阻萬重山。蠻煙似出檐帷裏。亂瀑爭鳴霄
漢間。落日雙懸遊子淚。幾時叱馭好東還。

中三聯可為
桃源圖譜

夜泊都昌有感

湖上千山抱邑城。夕陽孤棹遠天橫。黃花何處逢人醉。白髮應從此夜生。萬里星辰纏殺氣。幾家砧杵斷秋聲。陶公事業遺墟在。今古中原抱甕情。

元夕同諸大夫讌劉子元中丞宅觀燈

高館長筵樂事賒。春燈焰焰吐飛霞。金鰲遠駕三神島。火樹旋開五色花。漏下星辰依客聚。曲終河漢倚城斜。千金上夜歡相戀。肯向樽前負物華。

登石鐘山

中三聯如光
燈吐彩華
薄長舒

未聯有倚
劍公荒之
意

楚客登高秋思濃。白雲隨杖入芙蓉。九江落日迷山市。萬里寒濤響石鐘。古閣凌空愁過鳥。輕帆帶雨挾飛龍。俯看天塹雄南北。何事中原有戍烽。

初度日家兄遣兩僮適至兩僮並善吹笛聞之
悵然

東風搔首夜郎城。一字鄉書百感生。待子雙調雲夢管。當筵忽作鳳鸞聲。梅花落盡春難寄。律呂和來怨未明。却是吹埤人。萬里關山何處不。含情。

過層臺驛

野潦奔鳴石逕斜。疎林殘日見田家。編籬半護邛王竹。築塢新移望帝花。蒼微萬山連蜀道。遠人重譯問京華。鄉音斷絕愁如夢。何處風高急暮笳。

喜元美擢大僕卿有寄一首

攬轡霜清楚甸寒。徵書遙下彩雲端。天門八翼飛如夢。帝輦群龍馭正安。事定交遊無按劔。書傳湖海一彈冠。西山未改當時色。誰共華陽一樣看。

九日同諸公宴吳總戎山第

歲甲巖前萬馬嘶。八番秋色閃旂旗。黃花細遠山亭

發綺席。旋從幕府移門客。盡韜蓮萼。劍侍童。爭唱竹枝辭。佳辰况值平蠻後。莫厭波娑倒接羅。

夏日齋中即事

夏木陰陰覆廣除。小亭長往坐披書。客緣疎懶逢迎少年入。衰遲夢寐虛關塞。總留羈宦迹。蓬蒿不讓野人居。匡衡遠牒何時解。悵指浮雲是故廬。

署閣朝來宿霧濃。開軒四望失群峰。弦歌自穩居夷調。磬折聊為玩世容。古栢連雲巢鸛鶴。空城積雨鬪蛟龍。匡時無力頭虛白。薄暮愁聞遠寺鐘。

諸詩有散髮重陰抱杖清渠之意

雪中渡章江有作
東龍沙匡南斗西三君

諸詩若伯牙鼓瑟仰駟馬而舞玄鶴

章江萬里北風號
雪裏寒裳問渡勞
寒疊浪花飛不起
光搖沙磧望逾高
追趨却異王猷棹
故舊曾同范叔袍
此日國中誰和曲
陽春只合向君操

寄題陳憲卿職方夏汭園

司馬園開江漢間
小從波上疊青山
逢蒿密擁懸車卧
鷗鷺群隨抱甕閒
老去丹心仍魏闕
書成紫氣即函關
月明萬里天如雪
何得扁舟訪戴還

答歐楨伯見寄

一失風波萬里餘
十年消息數行書
張騫異域迷通道
詹尹江潭困卜居
自是青雲遊子薄
非關白髮故人踈
來詩云可能一字寄
君今且莫深巖穴
合有新知薦子虛

將發貴州留題署中

已分孤臣老百蠻
除書猶自發燕關
官同太史周南寄
節似張騫異域還
白首從人增薄祿
彩毫隨處紀名山
夜郎臺畔江如珥
別去仍懸夢寐間

訪陳鳴仲戶曹

逢人白眼竟紛紛。耐可南遊一見君。金筍萬山深繫馬。銅崖片石好論文。別來齒髮看仍健。怪殺林泉謗未分。蘭桂滿庭生計足。乾坤何事不浮雲。

大中丞趙公招飲江漢樓作

官閣新成楚望偏。舳舻銜尾障晴川。由來南郡登高處。絕似昆明習戰年。萬里天浮江漢入。雙城地夾斗牛懸。元戎不淺匡時意。醜酒重歌寶劍篇。

奉懷潯東中丞時公既禫除撰儀封志新成行于世

札弓木鐸用事切當留侯黄石含有風致明卿此作余自張公口中得之故用以為殿後

立馬梁園問故知。儀封咫尺若為期。銜哀已踰擅居禮。弔古仍餘木鐸思。天上星辰懸玉帛。江南部曲擁旌旗。留侯漫擬從仙去。黃石經綸是帝師。

張佳胤 字肖甫號峒峽銅梁人嘉靖庚戌進士官兵部侍郎

秋夜集大梁陸道涵

別君春雪滿長安。此會翻驚木葉丹。多病九秋邊鴈過。相思獨夜井梧寒。梁園有賦誰同調。巴里非才欲和難。不盡魏臺尊酒興。黃花期共醉中看。

送鄭寶雞之任

肖甫與于鱗元美同時結社詩精嚴有氣岸蓋在季之間公又與余及拱辰僅一再晤乃萬里投贈無歲無之近復得其塞上四

秋風陶令別黃花。試宰秦關驛路賒。北去鴈聲經二
華。西來雲氣度三巴。孤琴夜抱雞臺月。清書簾虛滑
水涯。早晚帝城飛玉鳥。肯隨勾漏覓丹砂。

送陸與繩之金陵

慷慨論交意氣深。離歌忽斷故人心。風塵我贈張華
劍。清白君無陸賈金。帆度石城江館暮。月臨鐘阜海
雲陰。鳳凰臺上堪回首。春鴈寧忘薊北音。

奉寄穆少春憲伯

拂衣何意賦閑居。去國人傳畫省虛。雷義高情看被

髮。陶潛歸計在吾廬。江湖萬里秋風起。南北岐途故
騎踈。最怪嵇康真傲吏。令人嬾讀絕交書。

春日登張家口市場二首

抗旌春望盡龍荒。青入祁連接混茫。紫塞千峯歸鎖
鑰。嚴關萬馬見騰驤。提衡齊控東西校。稽顙俱稱左
右王。一自北門勞卧護。肯容燧色過漁陽。

元戎小隊踏芳行。北斗朱旗雪後明。當座雲扶千堞
上。雅歌春擁一裘輕。盃搖無定飛鴻影。日暮時聞疊
鼓聲。便欲登封臨瀚海。匣中龍氣已縱橫。

四首雄風
猛氣高視
千古元美于
麟當為錯
愕

尾聯有飲
馬河源遊
月崑崙之
意

春日同制府登北山用韻二首

借得桑門半日閑。相攜春色共登山。靈巖花發遊人
屐。石洞雲封靜者關。尊倚孤亭玄塞上。天容雙眼赤
霄間。穹廬指點降王畫。獨立蒼茫一破顏。

青尊遲日兩無違。隨意班荆坐翠微。地勝俱憑孤杖
得。天空不礙片雲飛。東瞻陵樹浮佳氣。西眺軍城帶
晚暉。酩酊莫辭今夕會。興來還欲典春衣。

答睢陽李子中

碣山佳氣傍幽居。四壁猶懸舊賜車。玄室逢迎多問

字。青雲消息付徵書。浮生尊酒隨蓬澤。落日漁樵托
孟諸。幾上平臺懷賦客。倦遊吾已似相如。

張掖使院中懷吳高州明卿

居延客舍虜塵間。南去冥鴻不可攀。海上有入生白
髮。郡中無事對青山。積薪世態休相問。隨牒功名且
未還。落日思君俱異域。何年得望玉門關。

登函關城樓

樓上春雲雉堞齊。秦川芳草共萋萋。聲知雨後河流
急。青入窓中華嶽低。客久獨憑三尺劍。時清何用一

九泥登高眺極鄉心起。關樹重遮萬嶺西。

秋夜飲許後谷少谷昆玉宅

入關虛說異人來。愛客頻將綺宴開。繫馬秋臨玄度宅。登堂花發李膺杯。城高急雨驚傳柝。曲罷西風起落梅。連日盡遊冠蓋里。談天誰似二龍才。

寄吳化卿侍御

一麾長傍大河濶。表上風霜歲月深。世俗交情仍貴賤。書郵今日感浮沉。三秋喬嶽愁中賦。萬里寒江病後心。夙昔酒徒燕市裏。相思聊代白頭吟。

遊金山

青擁芙蓉夾岸浮。躋攀更上最高樓。波分島嶼蛟人室。風散帆檣估客舟。遠近日銜滄海色。東南天豁大江流。舉觴萬頃真堪濫。氣蓋勾吳百二州。

擬登焦山會風浪不果

孤峯東插海門青。眼底煙波動杳冥。不為雄風翻巨浪。好將片席破滄溟。江天虛擬磨巖賦。石壁誰探瘞鶴銘。自是勝遊難並得。豈應詞客妬山靈。

行役新蔡張助甫吏部夜過分韻

諸詩如項羽鉅鹿大戰觀者人入股慄

此作如燕
市酒人擊
筑痛哭

談天碣石憶當時。落日中原有所思。然諾千金看意氣。結交雙劍並雄雌。途窮詞賦青雲薄。世變功名白髮欺。諸子凋零君自見。存亡何處不堪悲。

夜投草涼留寄漢中分守甘五

棧雲寒滿黑貂裘。虎豹關長使者愁。西嚮青天懸蜀道。東來白雪擁吳鉤。猿聲一夜清霜阪。月色千峯古戍樓。獨坐空山正無賴。居然江漢想風流。

徐中行

字子與。號龍灣。長興人。嘉靖間進士官方伯。

題潘中丞留餘堂

汪伯玉謂子與。潘美若。

將尸而祝之。二子周視海。內亦毋推轂。子與于鱗又云不意吳越。取士乃生元美子與。二子與吾鼎立中原。豈不大奇。由此觀之。則子與之詩可知。

勳滿乾坤獨晏如。堂開綠野署留餘。非關物理嫌多取。自喜榮名讓太虛。門似于公堪結駟。官仍柱史只藏書。韋平素業君須見。玉樹參差接禁廬。

九月八日登天津城樓遲謝山人李比部賦

搖落千山客思哀。城樓面面海雲開。漁陽秋色三邊盡。碣石悲風萬里來。南北烽煙聊對酒。古今懷抱此登臺。明朝更有龍山約。羌笛胡笳莫漫催。

奉題龍沙草堂

王孫別業大江東。江上青山面面通。授簡三湘飛白

雪披襟六月起。雄風斗牛氣。燭豐城上。金石聲藏魯
壁中。聞說高皇曾駐蹕。彩雲猶自傍行宮。

韋園同于鱗子相元美席上賦

鶯聲歷亂柳花飛。載酒名園與不違。時序祇今嗟髮
髮。天涯且復戀芳菲。風生杜若香浮席。雨過松蘿翠
滴衣。休沐更期旬日醉。它時或恐舊遊非。

寄題李于鱗白雪樓二首

寥廓誰論碣石宮。千秋作者此樓中。自非海嶽開天
造。安得文章有國工。撫軫陽春迴黯淡。揮毫寒色散

三詩如任
公子為大納
躡會藉
授東海其
所得魚亦大

鴻濛。杜門莫怪常高臥。郢調人間未易同。

駘蕩深知宋玉才。層樓高倚岱宗開。月含雙掌雲邊
出。濤擁三山海上來。梁苑賦成誰授簡。郢中歌罷自
銜杯。側身東望飛揚甚。乘興焉能信宿迴。

送兵憲李公量移還豫章予亦被播歸吳興

向愁華髮願多違。何幸青山遂拂衣。一榻晝懸徐穉
去。扁舟春送李膺歸。垂綸震澤歌明月。載酒廬山賦
采薇。為報海鷗休浪訝。風塵回首久忘機。

寄答廣陵歐文學

蕪城客夢滿江皋。千里懷人尺素勞。篋裏夜光南海月。賦中秋色廣陵濤。談天寧復如燕市。玩世何妨似馬曹。念爾最憐中散調。知音寥落好誰操。

題門生汪惟一鈞丘卷

娟娟修竹滿靈丘。竹裏煙霞澹不流。總為七賢留對酒。非關千畝擬封侯。月明嶰谷清音度。風起瀟湘白日秋。贈爾慚無枚叟賦。兔園雲色未應愁。

懷學憲尚公

憶昔雲間並使旌。相逢意氣更縱橫。三江風浪尊前

尚字難得尾句切甚

關情周遊五嶽當年約。此日堪隨尚子平。

秋日同王元美兄弟遊顧司寇西郊別墅分得

山吹二字是日招宴城居

仙臺寥廓白雲間。謝傳歸來此閉關。斗下著書深紫氣。窓中飛瀑滿青山。薜蘿秋老堪裁服。松栢年多好駐顏。不是主人開閣待。高天日落詎能還。

城臨箬水路逶迤。樓敞天風萬里吹。招隱偶依青桂樹。銜恩猶憶白雲司。秋高嵐翠沾衣袂。日午松陰覆

酒卮總是陳思門下客。還期明月共追隨。

都門送魏鴻臚還吳

乍看通籍在蓬萊。拂袖仍辭駿馬臺。秋色自高張翰興。一官誰盡魏舒才。銜杯茂苑青山出。挂席維揚明月來。回首五湖情不淺。悔將書劍老塵埃。

喜于鱗起家浙憲二首

青門祖帳故賢哉。丹詔新從海岱開。閭闔萬年真主出。風雲一日臥龍來。中興堪借文章色。漢柱曾題侍從才。最幸探奇司馬後。逢君重上禹王臺。

二作意氣
飛揚且逼
于鱗元美

中聯若赤
城霞起瀑
布飛流

衣冠朝散未央鐘。鞭弭中原豈易逢。忽自東方驅駟馬。遂令南斗合雙龍。霞標欲避天台賦。紫氣仍來日觀峯。何但故人忻御李。風流誰不慕詞宗。

于鱗書徵元美及予為文會于吳山意氣豪甚

輒賦二詩壯之

二詩如蘇
秦約從諸
侯指畫歷
歷氣勢飛
翻

龍門高倚浙江邊。海內賢豪大會年。詞賦有盟歸掌握。秦鞅何地不周旋。縱橫南紀星辰動。氣色中興日月懸。萬態盡銷吾黨在。狂歌還似薊門前。禹壇文會遠相同。不讓談天碣石宮。授簡中原高白

雪披襟大海起。雄風重來五嶽神。逾王老去千秋計。轉工却笑永和修。禊者虛將翰墨擅江東。

過歐廣文首齋同元美賦

首齋齋清海月懸。桂枝新發早秋天。小山自喜留詞客。微祿猶堪給酒錢。雙劍並緣歐冶出。孤琴曾是廣陵傳。相逢片語能蠲疾。不俟觀濤已霍然。

九日抵京于鱗過飲懷元美魏郡

秋風幾日到長楊。濁酒新開漢苑旁。燕而十年還二子。龍山何處又重陽。佩萸遙憶先朝賜。落帽深諳故

歐冶廣陵
二聯切當
精奇

態狂躍馬獨憐三輔客。登高頻望白雲鄉。

九日洪山寺登高懷于鱗明卿元美兄弟

寶地黃花已自開。倦遊詞客此登臺。秋高落木千江下。天闊寒雲七澤來。入楚漸成莊鳥病。浮湘虛愧馬遷才。遙知兄弟持螯處。念我還停濁酒杯。

汪伯玉中丞起撫鄖陽志喜

歸來推轂動巖廊。六傳依然鎮帝鄉。記室半傾天下士。戈船親繫日南王。登樓明月三湘滿。倚劍雄風萬里長。開府試論文與武。祗今誰似杜當陽。

情事凄切

奇壯若層
臺指天高
城積雉

王敬美自陪京禮部分司遷買外郎還朝

藻麗精切

六朝詞賦起揮毫。八月仙帆揭海濤。王氏才名推小令。漢家禮樂屬東曹。搏風雲路雙鴻影。就日天池一鳳毛。爾去代興燕市裏。酒人誰復似荆高。

丘宗伯邀顧大參王侍御及予雪後登赤壁作

自宋事翻出。不落朱調。

鳴珂舊接五雲班。醜酒平臨七澤間。霞落高天銜赤壁。雪晴遠岸出青山。狂來意氣堪橫槊。老去風塵更賜環。不是蘇公曾放逐。誰將二賦壯江關。

年家陳玉叔廷評方子及刺史李元甫李本寧

二吉士方景武山人過集得年字

天涯病起復遊燕。歲晚通家意氣偏。上苑星從今夜聚。西山月為故人圓。彈冠白首慚先達。載筆青雲羨少年。屈指秋曹踰一紀。詞林猶說郢中篇。

齊安雪中得仲晦王孫德甫觀察書并詩却寄

此作如輕陰籠日。霧色宜人。

二子才名鄴下齊。尺書朝發豫章西。斗間龍氣寒相傍。江上鴻音雪不迷。古調雙梭青玉案。山翁一醉白銅鞮。不禁此夜飛揚甚。清興冷然到剡溪。

送孔使君復守夔州

遷客新彈漢吏冠。春風相送使君難。賜環自荷天恩重。叱馭寧辭蜀道難。益部星臨三峽曉。岷江濤起萬山寒。懸知戀闕情無限。永夜遙從北斗看。

春日從吳太僕周給事高光州沈李二山人陪

李觀察西湖雅集得山字

千秋曼倩在人間。十日平原未擬還。鼓柁煙中歌白苧。開尊雨後出青天。舊知鄉里詞華客。半是雲霄供奉班。望氣異時傳太史。文星今夜滿吳關。

奉贈顧中翰汝和奉使祭告德衡二藩兼祠沂

山東海已事訪李于鱗山中

三齊帶礪壯皇居。六傳飛揚薄孟諸。滄海觀風吳季札。詞臣奉使漢相如。金銀忽動蓬萊色。科斗親窺魯殿書。鳳沼倘逢兄弟問。龍門曾御李膺車。

秋日諸君餞焦山作

蒼龍曙色滿漁舠。一嘯扶桑海日高。勢敵金山分氣象。雄臨鐵甕壯波濤。清秋月向中原盡。華髮名堪此地逃。無奈長風催去棹。白雲猶自裊征袍。

奉送元相華亭徐公南還

浮雲西北晚冥冥。元宰新傳出漢庭。微省天迴三殿
紫布帆。秋挂五湖青。帝從宵旰思賢佐。人向煙霞仰
歲星門。下侯芭。今白首相逢猶得問玄經。

方逢時

字行之。號樗野。鄂郡人。嘉靖間進士官兵部尚書。

送曹僉憲赴成都

天寒碣石斷飛鴻。擊筑歌殘惜去踪。持節何須悲獨
道。剖符今復見文翁。江涵落日金沙遠。山擁晴雲玉
壘雄。訪古時過楊子宅。草玄臺上野花紅。

出塞二首

方公詩氣勢雄豪律法嚴整如嫖姚出塞萬騎橫嘶而部伍自不可亂

諸詩雄傑一飛黃振鬣萬馬辟易

紫塞春晴煙霧銷。悠悠旌旆自雲霄。飛揚虎放鳴金
甲。蹀躞龍媒振玉鐮。拜舞閼氏能漢語。歸降冒頓故
天驕。千年景運開明世。一統華夷屬聖朝。

春盡三關草樹芳。寒風猶自灑衣裳。更誰馳志伊吾
北。却笑輕謀馬邑傍。終古山河分兩界。於今卦建比
諸王。上答封順義王須知野性難馴伏。願學虞臣戒怠荒。二

立秋日書懷

空塵白露曉離離。楚客逢秋益自悲。碧海屠龍虛有
技。青真跨鶴尚無期。寒生絺綌思裁芟。老怯干戈欲

杖藜為愛季鷹真。達者扁舟東下更無疑。

馬元戎出塞得勝國。時准西按察使楊公墓碑

印以見遺賦謝

雄俊如騰

駕蜚魚

歷八極

上國秋風靜。鼓鞞將軍行。獵出邊陲先。聲遠震單于。
罍遺刻新傳。按察碑。魯參依希金。薙蝕龜龍剥落石。
苔滋知君素抱橫行畧。期勒燕然續漢辭。

客思

真有飛遜

翻俗巖居

谷飲之意

秋來客思日依依。高卧閑齋獨掩扉。細雨變衰燕地。
草涼風吹老楚山。薇壯心落落空。雞唱歸計悠悠又。

鴈飛赤壁江邊舊。遊處菊花開遍釣魚磯。

過天津

城頭初日亂啼鴉。客子行歌上使槎。雲路高連蓬島。
近鴈行遙度。薊門斜河聲過雨。添新漲草色和煙傍。
淺沙聞道邊庭猶苦戰。九關西望動悲笳。

再遊鉢池山次周水部韻

境入招提一徑微。參差臺殿散清暉。客來山靜惟聞。
磬僧定雲深。不掩扉象外煙花秋欲盡。水邊燈火夜。
初歸。浮生尚覺迷津遠。回首東林愧鳥飛。

黎民表

字惟敬號瑤石廣之從化人嘉靖間舉人

九日同諸公登感應觀閣

白玉壺中羽景懸樓居元自有神仙坐窺睥睨踈榆
外林引關山落鴈前楚客衣冠逢改歲漢庭烽火入
窮邊桑田碧海空愁思誰解乘鸞向紫煙。

祈穀齋居

鈴索無聲樹色寒集靈臺上拜千官旌旗夜繞長楊
陌燈火春祠太乙壇煖入芳郊陽氣淺月臨青閣曙
光殘揚雄白首玄經在誰捧雲中玉露盤。

惟敬詩雅
有奇致無
精體其南
海故多詩
人足為翹
楚

寄壽大司徒石渚馬公時有存問之典

翠釜黃封下日邊兩朝恩數故應全庭中錫馬桓榮
老席上揮金疏傳賢飛輓尚憐司計日採苓曾給住
山年荀陳賓從何由托長望關門紫氣前。

奉答斗西丈

三江晴色起飛鴻芳訊遙傳自楚宮紫氣獨看南斗
外陽春多在郢樓中薄遊豈有裾堪曳上客深慙瑟
未工湖海乞身從此去漣蘭吟望思無窮。

秋夜余德甫見過

三詩若蒲
梢之馬飾
以流蘇文
采翻翻

漢闥煙花望不迷。停車還為訪幽栖。秋殘河漢雙星
斷。霜肅關山萬騎嘶。露下金盤誰共倚。尊前龍劍我
相攜。江南封事頻頻上。十載乾坤厭鼓鼙。

酬用晦

才名虛薄詎須論。懸榻惟多古義存。庾嶺梅花傳白
雪。龍沙江月夢朱門。著書何用收鴻寶。作賦還應擬
兔園。衰白可堪遊轉倦。尚思抽筆奉清言。

滕王閣借德甫用晦分得朝字

西山凝望過崇朝。暑氣真憐此地遥。叢桂詞人方握

別。白雲仙吏遠相招。迴看庾嶺無來鴈。一去潯陽有
暮潮。邂逅酒杯霑灑易。天涯能不夢漁樵。

沈愷

字舜臣號鳳峯華亭人嘉靖己丑進士官參政

登黃州竹樓

伐竹為臺拂紫煙。琅玕風骨尚依然。不將金碧供時
好。自愛清幽淨俗緣。奕響遠從空外落。琴聲若為谷
中傳。秦樓謾憶雲霄裏。一榻清風自歲年。

遊南嶽

獨挾仙風跨紫鸞。飄然逸思振雲翰。煙消翠蓋千山

沈詩肉骨
勻稱條達
不滯

出人在清虛六月寒。梵磬有時空外落。曇花飛雨靜
中看。塵心到此渾無着。極目南天一倚欄。

懷清源詹息齋

才子清時賦遠遊。氣凌霄漢拂吳鉤。春風花鳥蘭陵
酒。夜月笙歌太白樓。一笑十年居海國。幾迴三月下
揚州。太平已見開東閣。莫謂新豐滯馬周。

和皇甫百泉年兄

一別十年勞夢想。相逢何忍遽言歸。曲江風月幾人
在。故國山川一笑稀。守道豈嫌工瑟悞。思鄉元不為

鱸肥便拚累月詩。千首莫怪休文減舊圍。

歐大任

字楨伯號崙山廣之南海人嘉靖貢士萬曆問主事

西苑

余每於王元美諸人詩中知歐君及讀其詩又蔚然作家也

日上觚稜照綵旂。西宮夜醮火初收。滄池波色青門
曉。長樂鐘聲碧樹秋。名岳采芝諸使出。中天築館萬
靈遊。漢家詞客頭將白。汾水年年望御舟。

姚元白枉書問訊

婆娑偶寄漆園間。荒徑苔深頗似閑。公事只堪對流
水。宦情吾自有青山。窓中蝴蝶頻支枕。松下楞伽一

諸詩若萋萋纖草落落長松

掩關聞道故人罷官蚤。白雲遙羨鳥知還。

過隋故宮

龍舸忘歸幾歲華。六軍飛輓萬方嗟。遼陽鼓角滄波遠。鞏洛山河落日斜。水調楊花歌九曲。江遊螢火散千家。蕪城莫引中原目。衰柳殘堤宿暮鴉。

南溪泛舟遇雨客有懷江南者共賦中字

城西陂上晚溟濛。越客扁舟望不窮。渭水雲沈波色裏。長楊秋在雨聲中。乍飛鶴子翻池白。欲盡荷花墜露紅。多少燕姬愁翠黛。共將離思寄江楓。

徐氏園留別金陵諸公

一尊出祖鳳凰原。猶是高皇舊賜園。淮水不知明月去。鐘山今見草堂存。文章江左群公盛。辜杜城南二姓尊。別去獨憐招隱賦。萋萋芳草憶王孫。

王穉登 字百穀號王遮長州人隆萬間監生

正月十四日雪得花字

小院青樓巷陌斜。鈎簾隔水聽琵琶。江天夜黑燈為月。山縣春遲雪作花。火樹瑤華光並入。兔園鰲幣興同賒。狂歌痛飲真吾事。肯惜黃金問酒家。

王生語音沛然王元美謂其去多去長便可名家信然

余既選伯穀
詩二首乃復
得其扇頭三
首愈覺有
致其書法又
當余也

代簡皇甫司動求序拙藁

先達風流故宛然。一時傾蓋便忘年。三都賦就從玄
晏。七叙書成待孟堅。心比雕龍徒自苦。名同附驥易
為傳。竒文五色如相贈。日月螢光敢並懸。

鄔佐卿 字汝翼丹徒人庠生

無題

小樓日日燕飛頻。夢斷昭陽憶舊人。總為行雲憐薄
命。敢將歌舞怨風塵。簾移鸚鵡杯前月。漏盡鴛鴦被
底春。誰道牡丹零落盡。看花雙淚欲沾巾。

麗句

安紹芳

字茂卿無錫人庠生

送曾中丞赴蜀

玉節遙看萬里行。鳴笳吹角震西京。天邊劔閣雲為
棧。樹裏巴江錦作城。檄到百蠻新喻蜀。圖餘八陣舊
藏兵。塞帷父老煩相訊。詞賦何人似長卿。

唐詩 字子言號石東無錫人隆慶山人

小春

臘月閏餘寒較遲。小春風日故依微。天涯知己黃花
老。江上懷人白鴈稀。客鬢不銷塵土恨。風光猶戀芟

唐生冲雅

不徐

明言五言律卷十
荷衣還憐歲晚足冰雪故國新年歸未歸。

登雨花臺和韻

江上波流去不迴江頭野客獨吟來欲窮伯業千年
事還上春風百尺臺城挾鐘山雲氣擁天垂紫禁日
華開六朝已信真如夢啼鳥飛花不盡哀。

批點明詩七言律卷十

批點明詩七言律卷十

東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

趙康王

號枕易 封國河南彰德府王善詩文著
有居敬堂集

送方水雲歸閩

賈誼談經道氣存有兒能賦客吾門三秋涕淚頻言

別十載淹留尚感息踏入風霜平野盡樽搖星月大

雄渾迥出
時作末作
憫時憂民
之情溢然

江奔故園舊侶相逢夜南北文章定一論

憂旱

五月龍眠不出溪農家束手閒鋤犁遠水近水若為
涸高田下田徒爾齊滾滾紅塵走巫祝亭亭白日空
雲霓生平自信抱經濟端憂無策蘓黔黎

潘宣王

號西屏 封國山西潞安府擅詩名所著
有綠筠軒吟帙

暮秋寄懷郭大司馬一泉

在昔論交即見知幾年良晤信難期停雲北極頻回
首落木西風獨賦詩金鼎鹽梅殷相業玉階劍履漢

官儀君今選將清邊徼盡省憂心退食遲

寄贈夢山楊都憲自關中移鎮山右

帝選雄才下玉音祗緣西顧廟謨深三閔已著防秋
策千里應懸捧日心漢壘煙光濃旦暮晉山雲物迥
晴陰幾人圖像麒麟閣不讓聲名垂至今

詠梅

朔風吹樹若冰霜獨與飛葭應一陽遷客感懷憐素
艷美人寤夢妬紅粧煖回山館爭春發寒逼江村冒
雪香聞道瀕行歌拆柳臨期欲寄斷離腸

音調超拔
綽有陳思
之風

今潘王

號德輿潘王世子萬曆十二年襲封所著
有崇玉山房稿

寄王太常夢鶴

蓬萊仙吏隱何年鳳閣聲華昔已傳玉笛數驚黃鶴
夢草堂高卧白雲天斗牛千里懸龍劍江漢雙魚寄
錦箋自是平生感同調春風南望更依然

荅沈員外寫梅

休文豪爽擅清時慰我羅浮玉樹枝錦帳含風香澹
澹瑣窓籠月影番番忽傳驛使春前信更訝都官雪
後詩瓊玖自慚難擬報郢歌千里寄遐思

音韻悠揚
若叩洪鍾
餘響不絕

得四明趙生書時寓上都

幾年曾放鏡湖舟瀟洒青衫亦壯遊花洛墨池披籍
篆塞生鳥几拂吳鉤黃山北望黎亭夕白鶴南飛易
水秋惆悵後期難折簡為君明月一登樓

鎮康王

諱恬焯號西崖潘憲王次子封鎮康王所
著有西崖漫稿

寄贈王鳳洲庶憲

憲節西來此壯遊斗文時復拭吳鉤青山霧合蛟龍
兩白晝霜飛鷹隼秋忠孝兩朝完正氣文章六代失
名流幾年自感中原路御樹江雲暮倚樓

詞高意永
自是盛唐
風味

送張懷洲太尹赴徵北

三年佳政驛書臨。潞子城頭送客吟。車馬向來春雨足，關山此別暮雲深。幾人直氣當青瑣，百里賢聲起素琴。君過玉河應夜感，月明秋水自同心。

寄上萬太疇侍郎

遠寄函書隔歲回。丹風路轉石城隈。中朝祿厚惟吟事，東觀名高獨賦才。夜靜吳宮騰寶氣，月明江窟抱珠胎。欲探形勝思君處，南國梅花入夢來。

奉寄宋栗菴監察

四月山城旋鷺車。從來風力更誰如此心。未達行臺上，何德能堪薦。既餘天設九關延，國步雲垂五色護。宸君兩朝祿，食慚無補莫問更生。祗校書。

題鴈

落木蕭蕭秋滿天。塞鴻南去思茫然。驚弦影絕龍荒外，避繳行高雉堞前。清曉數聲隨野棹，斜陽幾點破汀煙。江湖多少羈愁客，何音書借爾傳。

保定王

諱理坦號德軒潘王次子今潘王母弟封保定王所著有清苑山房稿

題畫景

格調高古
思致雋永
當于貞元
中求之

露清江渚，孤舟萬里。天光接素秋，丹葉墜時。漁火
亂碧雲，飛盡晚帆收。偶因王粲，耽詞賦。似許張騫問
斗牛，林外鍾聲初。月上群峯，倒影插寒流。

江南曲

碧筍黃柑，易稅錢濕蒸板屋。雜鯉煙乘潮曉，集舟中
市帶雨春耕。海上田沙鳥乍驚，遊客散江豚不動。昔
師眠，戰爭舊說三吳地，猶恨夫差失國年。

夏日遊五龍山

乘暇飛軒過石道，香雲深處駐奇觀。日薰花氣重林

淨風瀉松濤，萬壑寒未擬。侯山招鳳侶，且於幽谷撥

芳蘭歸時壁，月懸丹嶺馬首明珠更可攀。

沁水王

諱埜，塔號玉源，世封山西潞安府王。雅善詩文，所著有滄海披沙集。

寄郃總督文川

羨君黑髮居台輔，清夜談兵閫鼓鼙。烽火蕭疎空玉
塞，主恩前後寵金泥。雲停梁苑書初寄，草綠秦關鶯
亂啼。總為鄉園多喜氣，功勳自與伏波齊。

送馮給諫仁軒楊中書晉菴周大行見心還朝

津亭把酒思依依，共覩恩波出禁闈。帝子傳家桐葉

思致雅淡
丰神俊越
大曆前之
語也

遠使君銜命馬蹄飛九天。霽色連青瑣。三殿花香入紫薇。夜靜其如上封事。閭闔蕭索半無衣。

寄喬僉憲玄洲

天涯屈指幾忘機。猶記論文向翠微。樹擁薊門秋色遠。角傳塞上虜塵稀。月明池館深。瑶草踏近雲霄補。袞衣驛使梅花頻借問。清尊白雪十年違。

寄謝山人四溟

時寓汾陽孔園

越歲無端踈筆札。邇來何意寄蘭蓀。校書藻鑑慚劉向。作賦風流憶謝鯤。千里停雲宮樹杳。五更零雨客

燈昏莫言垂老成。淹滯北海時能共倒尊。

慶成王

諱慎鍾字量甫號宗川太祖高皇帝九世孫世封山西汾州雅好讀書尤善詩畫以賢孝著萬曆時賜勅褒嘉所著有太霞稿宗川稿行於世

次明虹朱使君夏日登萬佛樓

天半岩堯峻閣開。自公多暇勝游哉。憑虛未見空王在。結夏誰招使者來。貝葉迎風翻淨几。曇雲帶雨落高臺。倚欄作賦相如者。不數逃禪蘇晉才。

冬日西園即事

西園詞客共招尋。倚伏閑亭感思深。樹外殘霞浮霽

王以賢孝稱其器質敦厚醇雅而其詩亦風上乎有致度有体裁足稱風人遺音

色風前啼鳥轉寒音綠尊自許清中聖白眼誰知靜
裏心回首平臺一舒眺半林斜日下孤岑

贈為山劉兵憲

玉麟符向漢庭分使者英風獨見君星傍法臺懸上
黨雪隨行部雨西汾提兵威武聲逾振攬轡澄清志
不群况是建安七子列才名何啻鄴中聞

送友人之京

驪駒一促動離群回首長亭野日曛劍氣夜干牛斗
合鴈聲秋老戍樓聞關河自任風霜急城闕遙瞻曉

霧分豈為優存歌舞地好將詞翰賦凌雲

○白夏

號道南穎上人任山西汾州刺史
所著有道南詩集

過谷中嘉樂園

仙人樓閣倚城隈愛客頻呼載酒來雉扇影搖青瑣
闥龍渠香泛紫霞杯河山魏國天成畫詞賦梁園錦
作堆萬里風煙堪極目德星莫訝聚三台

賀劉二尹

簡命皇皇出九重暫留驥足佐花封一團春意來淮
北百里風塵淨域中絃管有聲歌惠政桑枝無附起

雅淡冲融
不着色相
真得陶翁
家法

謠童行看朝宁加殊擢不數當年借寇功

蟠亭秋日留友人共酌

小亭曲抱水雲幽未許魚郎問釣舟竹徑不因俗客
掃芳尊常爲故人留清波泛藻寒將徹野樹含雲翠
欲收乘興頓忘天地濶却疑此地是瀛洲



